



Suesuega 6

■ Fautuaga mo Suesuega a le Vasega

O le Leona, le Tamai Mamoe, le Nofoalii



- 1.**  **Faitau le Faaaliga 4 ma le 5. E faamalamalama mai e mataupu nei mea e tutupu pe a faatinoina le tapuaiga pe o le ifoga faamaoni.**

O le a sou manatu o a ni tulaga e faailoa mai ai le ifoga faamaoni?

- 2.** **O le vaaiga o le potu o le nofoalii i mataupu e 4 ma le 5, e faailoa mai ai o loo iai pea lava le pule a Le Atua i le univesa, a e iai le faafitauli. E faaauau pea le viiga o Le Atua o loo tietie i le nofoalii; a ua taofia mo sina taimi puupuu.**

Faamatalaina mai le uiga o le faafitauli.

3. I le Faaaliga 5:5, 6, na faalogoina ai e Ioane le Leona, a e na ia vaaia le tamai mamoe. E manino le faaaogaina e Ioane o nei faatusa e lua e faaataina mai ai Iesu Keriso.

O a ni manatu e oo ia te oe pe a e manatu i se leona ma se tamai mamoe? E mafai ona faaataina mai ai Iesu i nei manu e lua?

4. O a ni auala e mafua ai ona e faaataina mai ai Iesu i se Leona ma se tamai mamoe?

O le a se aoga mo tatou olaga o aso taitasi ina ua tatou malamalama o Iesu e pei o le Leona pei foi o se tamai mamoe?

Manatunatu Iai.

“A vivii foi, ma faaneenee, ma faafetai atu mea ola i Le tietie i le nofoalii, o Le soifua e faavavau e faavavau lava” (Faaaliga 4:9).

E tusa ai ma lenei mau, o se tasi o faailoga o le olaga faalelagi, o le faatinoina lea o le faafetai. O i latou ua masani i le tele o tamaoaiiga, e ono le malamalama i lenei tulaga. E tele ina tatou faameo i nai mea iti e le tusa ai ma o tatou manatu, nai lo le faafetai i le tele o mea ua tatou maua. E manaomia le suia o tatou uiga. O le eseese o le faafetai ma le faitio, e tele atu ona o tatou lava manatu, nai lo le mea moni. O le faamalalamamaga:

Faapea e ita tele le tama pe a toso uma e le tina le ie afu. A e aisea e le faapea ane ai, faafetai o loo ma momoe ma si o’u toalua nai lo le momoe ma se isi tagata. E faapena foi le ita o matua pe fai atu i se tasi o le fanau e alu e faamama ma teu lona potu a e fo’i mai lava o loo matamata TV. Aisea e le Faafetai ai le matua o loo nofo mai le tamaititi i le fale a e le o ‘ai mariuana i luga o le aualai le po?

A oo i taimi e faatutumu ai lafoga, tatou te faameo pe a totogi se tupe. A e le tataua ea ona tatou faafetai o loo tatou maua galuega e faigaluega ai, totogiina ai i tatou i tupe e tele e toe totogi ai lafoga?

A mesi le fale i uo a tatou fanau, o le faigofie ia ona tatou faameo. E le sili atu ea ona tatou faafetai e iai uo a tatou fanau, ma talitunuina i tatou e mafai ai ona aumaia a latou uo i le fale?

E pau lava le eseese o le agaga Faafetai ma le faameo, o le uiga aofai o le tagata lava ia!

A manaomia e faamamao le vao i tafa fale, o faamalama ma talivai, ona tataua lea ona faamanatu mai ia i tatou i ia galuega e Faafetai o iai ni o tatou aiga. A tatou faalogoina

le tele o faameo e faatatau i pulega a malo, ona tataou foi lea ona tatou faafetai o loo ia i tatou le saolotoga e faailoa ai o tatou manatu i atunuu o tatou ola ai.

A tiga o tatou tino i le iuga o le aso, tatou faafetai o loo mafia ona tatou galulue malosi. A tatagi le uati i le vave ao, tatou faafetai o loo tatou maua pea le ola.

O le a sou manatu?

E iai nisi e manatu o polokalame o TV, o faasilasilaga ma ata tifaga ua faaitiitia e tulaga ia le taua o le olaga moni lava are. Ua le mafia e le olaga moni lava ona tauva ma faiga mai Hollywood. E sili atu ona tele lagona faagaetia, ata o fuafuaga matautia, o vaaiga faaleulugalii, e fesagai ma le tagata i le itula i luma o le TV, nai lo tausaga e sefulu. A e le faitaulia ai minute 15 o faasalalauga faapisinisi e faamanatu mai ai i le tagata le le lava o le olaga moni lava.

Ona o nei faiga faaletagata, ua faigata ai ona ea a'e i luga le tagata e vaai i le lagi, le sami, le vao ma mea matagofie eseese o le univesa e tataou ona amanaia. E foliga mai e sili atu le faatosina o ata e fai e tagata. I le olaga moni lava, e malie, e maoni lagona, e loloto, faamaoni ma ofoofogia mea e tutupu moni lava. A e tutupu i le taimi a Le Atua lava Ia, e salalau solo lava foi i soo se mea e masani ai le olaga. A faatusatusa i le tele ma le eseese o olaga o tagata o le TV, ona le vaaia ai lea le moni ma le faamaoni o le olaga.

E manatunatu ane ai faapea: O le a se isi mea e tataou ona faia e Le Atua e pa'i atu ai i tagata o le lalolagi o nei ona po? E manaomia ea se mea tele e pei o mala mulimuli e fitu? Pe oo lava foi I mala e le mafai lava ona toe liuliuina ai loto o i latou ua matua faalagolago lava i ata faatusa o mea le moni? Peitai, pe o le a lava le mea e tataou ona faia, e faia lava e Le Atua ia mea uma ina ia toe faafoisia mai ai i tatou ia te Ia.

E iai lava le taimi e oo lava ina aafia ai i le feilafi o nei ata taufaasese. A oo loa i lea, ona tatou taumafai foi lea e atina'eina ni ata mata'ina se tele ia liuliu mai ai tagata e pei ona faia i tifaga. Ona oo ai lava lea ina fenunia'i o tatou loto i le tuuga e atina'eina ni ata tetele ma le ofoofogia, ona e le ausia lava lena faamoemoe. A tatou le lavava loa i mea tatou te manatu e maua ai le "filemu," ona tatou autilo ai loa lea i ni mea e "moni" lava. O le taimi lea tatou te sailia ai loa Le Atua.

O i latou e iai mea uma, e iai lava le taimi e oo ai ia i latou le atuatuva. E malepelepe a latou mafutaga, ona ua alu o latou olaga o sailia e le maua ai se uiga moni. Latou te fesagai ma le mea moni e oti tagata uma. E iai lava le taimi, e tataou ai ona tatou

malamalama e iai le iuga o mea uma ma tatou sailia ai mea e faavavau. A o le lalolagi ua faatumulia i ata e faaataina mai ai le olaga (virtual reality), e matua faigata lava ona ausia pe o le le mea e moni—pe naunau foi iai.

E iai taimi e faatagaina ai e Le Atua ona tatou fesagai ma mea uma lava tatou te manatu tatou te fiafia ai, a oo ai i le taimi tatou te fememeaa'i ai, ona tatou sailia loa lea o Le e mafaia ona tatou fiafia moni ai. O le mea e faanoanoa ai ua faatagaina e nisi i latou lava ia matua maaa lava ua oo lava i le valaau aupito leotele a Le Atua ua latou le lagonaina. E le sili ea ona tataou ona faalogo ia te Ia i le taimi nei?

O le a sou manatu?

O le toatele o i tatou e manatu faatoa tatou fiafia lava pe sagatonu mea uma. A o le fiafia o le filifiliga—o le tulaga e tataou ona faaia e tagata o Le Atua e oo lava i taimi o faigata. Na tusia e Jon Paulien faapea:

E le'i mamao atu nei, sa manaomia ai e faaaluina e lo'u tina se taimi i le fale o tagata matutua. O le taimi lea ua 91 tausaga o lona soifua, sa lavea lona vae i le palanikeke ao taumafai e tulai atu e tali le telefoni. Na mamafa lana pa'u, ma gau ai le vaega i luga o lona vae agavale, e lata lava i lona sulugatiti. Ina ua mae'a ona toe faatonuina foma'i le ivi na gau, sa tele ni vaiaso sa nofo ai i le falema'i, faatoa avatu ai lea i le fale o tagata matutua faatasi ai ma isi tamaitai e toatolu.

A o asiati atu ia i aso uma, na ou maitauina ai le eseese uiga o isi foi o loo aumau ai i lea nofoaga ma o latou tulaga o iai. O nisi e foliga mai e feita lava i taimi uma, faatonuina le aufaigaluega I soo se mea, faitio i soo se mea—i mea ai, o le leaga o faamalu, o le tulaga o le TV pe o le gese o gaoioi a alii ma tamaitai fomai. E foliga mai e matua mafatia lava i latou.

E matua tuufaafegagai lava ma uiga o isi. E tumau lava lo latou aga fiafia, e faafeiloai soo se tasi e ui ane i tafatafa, e faafetaia alii ma tamaitai tausi ma'i ia latou galuega e tusa lava pe le o atoatoa mea uma, e talanoa i le matagofie o le susulu o le Ia i fafo outside ma faamalo i le alii fomai i le faaaluina o lona taimi mai lana polokalame pisi e asiati mai ai ia te i latou.

Sa fesiligia le aga fiafia tele o se tasi o tamaitai o aumau ai i lenei nofoaga. Atonu e te fia malamalama i le tali a lea tamaitai.

“O le fiafia o le mea lea e te filifilia muamua mo le lumanai. Pe ou te malie i lo’u potu pe leai e le faalagolago lea pe faapefea ona faatulagaina meaafale. O le mea taua o le auala ou te faatulagaina ai lo’u mafaufau. O taeao uma lava e iai la’u filifiliga e tataua ona faia: e mafai ona ou faaaluina le taimi i le moega, ma ou manatunatu ai i tiga ma faigata o itutino uma o lo’u tino e ele o toe mafia ona faaaogaina, e mafai foi ona ou alu ese mai lo’u moega, ma ou faafetai ai i vaega o lo’u tino o loo mafai pea ona faaaogaina.

“O mea alofa aso taitasi uma, ou te taumafai ai ou te faia le mea sili mo i latou uma lava o i lo’u siosiomaga. E foliga mai o le tele ona ou manatu i isi nai lo a’u, ona mafai ai lea ona ou faia se eseese i lo’u lalolagoi, e ui lava e le o toe tele ni vaega o lo’u tino o toe aoga. O le tulaga lenei o loo mafia ai ona ou aoga. E sili atu le malie pe a fiafia ma mata ataata nai lo le faauu, ita ma le mata faasiasia.”

O le a sou manatu?

“Ua latou pepese foi i le pese fou, ua faapea atu ‘Ua tataua lava Oe, ina ia E tago i le tusi ma tatala i ona faamaufaailoga, aua na fasia Oe, ua E faatauina foi i matou i lou lava toto mo Le Atua, mai itu aiga uma, ma gagana eseese’ ma nuu, atoa ma atunuu” (Faaaliga 5:9).

O se manaoga faavae o le tagata soifua, o le lagona aoga lea. A e o le a le tau o le tagata? E fua lava i le siosiomaga. A faa liyusuavai oe e se tasi i kemikolo i lou tino, e tusa lou tau ma le \$12.

A e o le manatu o le au fai pisinisi e faafaigaluegaina oe pe tusa ma le \$40,000 i le tausaga. Afai o oe o se tagata ta’uta’ua le aau, ona oso lea i luga lou tau i le faitau miliona i le tausaga. Pe o oe foi o se tasi e fausia ma faatauina atu komipiuta pei o pei o Bill Gates, ona oso foi lea i luga lou tau i le faitau piliona i le tausaga!

E fuafua lava lou tau i le faatustusaga a isi. A e tusa ai ma le Tusi Paia, o le tau o le tagata soifua e le faatusalia lona maoa’e nai lo a tatou faatusatusaga. O le tala a le Tusi Paia, o le tau o Iesu e sili atu nai lo le univesa atoa—na Ia foafoaina—peitai Na te silafiaina ma alofa ia i tatou tusa lava pe o le a o tatou manatu ia i tatou. O Lona maliu i le satauro na faamautuina ai le tau o le tagata e toatasi. A filifili loa Le Foafoa o le univesa atoa ma tagata uma lava—e aofia ai ma tagata ta’uta’ua e tele ona ifo iai le lalolagi—e maliu moo e ma a’u, ona faamautuina ai loa lea o le tau e le mafia ona faatulagaina i o tatou olaga. Ona e le toe maliu lava Iesu toetu mai, ona mau ai lea o lo’u tau ia te Ia i aso uma lava o lo’u ola my.

E tusa ai ma le Faaaliga 5:9-10, o le a la sou manatu i lou tau?

© All rights reserved Seventh-day Adventist Church South Pacific Division. Not for profit publication. Faatagaina le faaliliuina e Etuati E. Erika erika@adventist.org.au
<http://carrumdowns.org> www.revelationhope.com